

«ՍԳԿԿ» ԻԿԿ Կարգապահական հանձնաժողովի նիստի

**Ա Ր Ձ Ա Ն Ա Գ Ր ՈՒ Թ Յ ՈՒ Ն ԹԻՎ 25/02**

ք. Երևան, Արշակունյաց 5, 417 սենյակ

14.08.2018թ. ժամը 17:00

Համաձայն Կարեն Մխոյանի ներկայացուցիչ Դիաննա Անտոնյանից, «ՍԳԿԿ» ԻԿԿ-ում՝ 18.07.2018թ-ին ստացված դիմումը քաղաքացի Արմեն Անանյանի սնանկության գործով կառավարիչ՝ Ալեքսանդր Կարակելյանի գործողությունների /անգործության/ փաստերի նկատմամբ, վերահսկողության գործառույթի պատշաճ իրականացման նպատակով, կառավարչի վարքագծի վերաբերյալ կարգապահական վարույթ հարուցելու և դիմումում նշված փաստական հանգամանքների քննության համար՝ ս/թ-ի Օգոստոսի 14-ին ժամը 17.00-ին՝ հրավիրված «ՍԳԿԿ» ԻԿԿ Կարգապահական հանձնաժողովի նիստին.

**ԾԱՆՈՒՑՎԱԾ ԷԻՆ՝**

Հանձնաժողովի անդամ՝ Արմենակ Ադամյանը  
Հանձնաժողովի անդամ՝ Հարություն Գևորգյանը  
Հանձնաժողովի անդամ՝ Ռուբեն Խալաթյանը  
Հանձնաժողովի անդամ՝ Հենրիկ Մարտիկյանը  
Դիմումատու՝ Կարեն Մխոյանի ներկայացուցիչ Դիաննա Անտոնյանը  
Քաղաքացի քաղաքացի Արմեն Անանյանի սնանկության գործով կառավարիչ՝ Ալեքսանդր Կարակելյանը

**ՍԱՍՆԱԿՑԵՑԻՆ՝**

Հանձնաժողովի Նախագահ՝ Տիգրան Հարությունյանը  
Հանձնաժողովի անդամ՝ Հարություն Գևորգյանը  
Հանձնաժողովի անդամ՝ Հենրիկ Մարտիկյանը  
Դիմումատու՝ Կարեն Մխոյանը և ներկայացուցիչ Սաթիկ Դիմոյանը  
Քաղաքացի քաղաքացի Արմեն Անանյանի սնանկության գործով կառավարիչ՝ Ալեքսանդր Կարակելյանը

**ՕՐԱԿԱՐԳՈՒՄ**

Կարեն Մխոյանի ներկայացուցիչ Դիաննա Անտոնյանից «ՍԳԿԿ» ԻԿԿ-ում՝ 18.07.2018թ-ին ստացված դիմումը քաղաքացի Արմեն Անանյանի սնանկության գործով կառավարիչ՝ Ալեքսանդր Կարակելյանի գործողությունների/անգործության/ փաստերի նկատմամբ, վերահսկողության գործառույթի պատշաճ իրականացման, դիմումում նշված փաստական հանգամանքների քննության և սնանկության գործով կառավարչի վարքագծի վերաբերյալ, կարգապահական վարույթ հարուցելու հարցը:

**ԼՍԵՑԻՆ՝**

Կարգապահական Հանձնաժողովի նախագահ՝ Տիգրան Հարությունյանը նիստը հայտարարեց բացված և առաջարկեց հանձնաժողովի անդամներին քնարկել քաղաքացի Արմեն Անանյանի սնանկության գործով կառավարիչ՝ Ալեքսանդր Կարակելյանի նկատմամբ «ԿՀ գործու ներության և ՍԳԿ-ի կարգապահական վարույթի իրականացման» Կարգի 1.4 կետի հիմքով, կարգապահական վարույթ հարուցելու հարցը:

Հանձնաժողովի անդամ՝ Հ.Մարտիկյանը առաջարկեց հստակեցնել այն հարցը, թե արդյոք կարգապահական վարույթ հարուցելու հիմքեր կան:

Հանձնաժողովի նախագահ՝ Տ.Հարությունյանը ճշգրտեց այն հանգամանքը, որ դիմումատու մատնանշում է սնանկության գործով կառավարիչ՝ Ալեքսանդր Կարակելյանի «Սնանկության մասին» ՀՀ օրենքի 56-րդ և 57-րդ հոդվածների խախտումները:

Մնանկության գործով կառավարիչ՝ Ա. Կարակելյանը մասնավորապես նշեց, որ իր կատարած գործողությունները բխել են «Մնանկության մասին» ՀՀ օրենքի 29-րդ և 47-րդ հոդվածի պահանջներից և որ սնանկության գործով կառավարչի կողմից օրենքով սահմանված պարտականությունների և իրավունքների իրացումը չի կարող մեկնաբանվել որպես ի օգուտ կամ ի շահ պարտապանի կամ պարտատիրոջ կատարված գործողություններ:

Նշեց նաև, որ ՀՀ վերաքննիչ քաղաքացիական դատարանի 25.01.2018թ. որոշման դեմ վճռաբեկ բողոքի առկայության պայմաններում ՀՀ վերաքննիչ դատարանի որոշումը դեռևս չէր մտել օրինական ուժի մեջ, ուստի թիվ ԿԴ-1/1271/02/17 վճռի դեմ վերաքննիչ բողոք բերելիս Ալեքսանդր Կարակելյանը հանդիսացել է նաև Անահիտ Անանյանի սնանկության գործով կառավարիչ:

Մնանկության գործով կառավարիչը նշեց նաև որ Արմեն և Անահիտ Անանյաններին սնանկ ճանաչելու վերաբերյալ 31.08.2017թ-ի ԵԿԴ/0171/04/17 վճիռը բողոքարկվել է վերաքննության կարգով և ՀՀ վերաքննիչ քաղաքացիական դատարանի 25.01.2018թ-ի կայացրած որոշումը մտել է ուժի մեջ 25.02.2018թ-ին:

Պարտապանի գույքի գույքագրում կատարվել է՝ 11.12.2017թ-ին:

Հանձնաժողովի անդամ Մ.Մարտիկյանը հայտնեց այն կարծիքը, որ խիստ սուբյեկտիվ է գույքագրման ժամկետները և իր կարծիքով գույքագրման խախտում առկա չէ: Առաջակցեց վարույթը կարճել:

Հանձնաժողովի նախագահ՝ Տ.Հարությունյանը նշեց, գույքագրման ժամկետների խախտում առկա չէ, քանի որ համաձայն «Մնանկության մասին» ՀՀ օրենքի 56-րդ հոդվածի 1-ին մասի. **-Պարտապանին սնանկ ճանաչելու մասնի վճռի օրինական ուժի մեջ մտնելուց հետո՝ 30-օրվա ընթացքում, կառավարիչն իրականացնում է պարտապանի գույքի գույքագրում:** Տվյալ դեպքում ինչպես պարզվում է Վճիռը օրինական ուժի մեջ է մտել 25.02.2018թ-ի իսկ կառավարիչը գույքագրումը իրականացրել է 11.12.2017թ-ին, դեռ ավելի վաղ:

Հանձնաժողովի անդամ Ռուբեն Խալաթյանը նշեց, որ իր կարծիքով կարգապահական և օրենքի որևէ խախտում չկա:

Ինչ վերաբերվում է կառավարչի գործողություններին կամ հիմնականում անգործության մեղադրանքներին ապա դրանք չեն կարող համապատասխանել իրականությանը, քանի որ կառավարչի կողմից կազմակերպված է գույքի գույքագրում:

Այսինքն ՄԳ կառավարիչ՝ Ա. Կարակելյանի գործողությունները կատարվել են «Մնանկության մասին» ՀՀ օրենքի 56-րդ հոդվածի կարգով և բխել են նույն օրենքի 56-րդ հոդվածի 1-րդ մասի պահանջների կատարման ապահովման անհրաժեշտությունից և հիմնավորված են 29-րդ հոդվածի 1-ին մասի /ե/ կետով իրեն վերապահված լիազորություններով, իսկ փաստական հանգամանքները ուսումնասիրությունից հետո պարզ է, որ հարուցված կարգապահական վարույթ անհրաժեշտ է կարճել, ՄԳ կառավարիչի մեղքի բացակայության պատճառաբանությամբ:

Հանձնաժողովի անդամ՝ Հարություն Գևորգյանը նույնպես համաձայնեց մնացած անդամների կարծիքի հետ և ավելացրեց, որ դիմումատույի բողոքի պատճառ դարձած՝ ք.Հրազդան, Հատիսի փող. 1/37 հասցեյի անշարժ գույքի նկատմամբ սնանկության վարույթում սեփականության իրավունքի ճանաչումը, կառավարչի կողմից բողոքարկվել է «Մնանկության մասին» ՀՀ օրենքի 47-րդ հոդվածի հիմքով, որպես սնանկության վարույթի կազմի մեջ մտնող գույքի բաղկացուցիչ մաս կազմելու հիմքով, բացի դրանից այդ գույքը պատկանել է երաշխավոր Անահիտ Անանյանին իսկ նա պարտապանի օրինական ամուսինն է և գույքն էլ հանդիսանում է համատեղ կյանքի ընթացքում ձեռք բերված:

Իսկ կառավարչի վերաքննիչ բողոքը հիմնված է եղել դատարանի ընդհատությանը, իսկ խիստ հիմքով էլ դիմումատույի սեփականության իրավունքը ճանաչող վճիռը բեկանվել է:

Նշված հիմքերից ելնելով իր կարծիքով նույնպես հարուցված կարգապահական վարույթ անհրաժեշտ է կարճել:

Հանձնաժողովի նախագահ՝ Տ.Հարությունյան առաջարկը դրեց քվեարկության՝

**ՔՎԵԱՐԿՈՒԹՅՈՒՆ՝**

Կողմ - 4

Դեմ - 0

Չեղմպահ - 0

Հանձնաժողովի մնացած անդամները համաձայնեցին որ խախտումների առկայության  
քննության և փաստացի հանգամանքների ճշտման համար հարկավոր է հարուցել  
կարգապահական վարույթ:  
Հանձնաժողովում նախագահողը հարցը դրեց քվեարկության

### **ՔՎԵԱՐԿՈՒԹՅՈՒՆ՝**

Կողմ - 4

Դեմ - 0

Չեռնալահ - 0

### **ՈՐՈՇԵՑԻՆ՝**

Կարեն Մխոյանի ներկայացուցիչ Դիաննա Անտոնյանից «ՄԳԿԿ» ԻԿԿ-ում՝ 18.07.2018թ-ին  
ստացված դիմումի հիմքով, քաղաքացի Արմեն Անանյանի սնանկության գործով կառավարիչ՝  
Ալեքսանդր Կարակելյանի գործողությունների /անգործության/, դիմումում նշված փաստական  
հանգամանքների քննության և սնանկության գործով կառավարչի վարքագծի վերաբերյալ,  
հարուցել կարգապահական վարույթ:

### **ԼՍԵՑԻՆ՝**

Հանձնաժողովի նախագահ՝ Տիգրան Հարությունյանը ներկայացրեց ստացված դիմումը և  
ներկայացված փաստաթղթերը և առաջարկեց հանձնաժողովի անդամներին քննարկել դիմումում  
մեջ նշված հանգամանքները, քաղաքացի Արմեն Անանյանի սնանկության գործով կառավարիչ՝  
Ալեքսանդր Կարակելյանի գործողությունների /անգործության/ փաստական հանգամանքները և  
սնանկության գործով կառավարչի վարքագծի և նրա գործողությունների օրենքին և կանոնակար  
գերին համապատասխանության նկատմամբ հայտնել կարծիք:

Հանձնաժողովի նախագահ՝ Տ.Հարությունյանը ձայնը տվեց դիմումատու Կարեն Մխոյանին:  
Վերջինս ներկայացրեց հակիրճ բողոքը, նշեց, որ Վահագն Մուրադյանը դիմել է Կենտրոն և  
Նորք-Մարաշ վարչական շրջանների ընդհանուր իրավասության դատարան՝ Արմեն և Անահիտ  
Անանյաններին սնանկ ճանաչելու դիմումով: 20.07.2017թ-ին Ալեքսանդր Կարակելյանը  
նշանակվել է սնանկության գործով ժամանակավոր կառավարիչ: 31.08.2017թ-ի ԵԿԴ/0171/04/17  
վճռով դիմումը բավարարվել է: Ալեքսանդր Կարակելյանը նշանակվել է սնանկության գործով  
կառավարիչ: Հիշյալ վճռի դեմ վերաքննիչ բողոք են ներկայացրել պատասխանողներ Արմեն  
Անանյանը և Անահիտ Անանյանը: 25.01.2018թ-ին բողոքը բավարարվել է մասնակի՝ Անահիտ  
Անանյանին սնանկ ճանաչելու մասով բեկանվել և փոփոխվել, Վահագն Մուրադյանի դիմումը՝  
Անահիտ Անանյանին սնանկ ճանաչելու պահանջի մասին, մերժվել է: 06.12.2017թ-ին թիվ  
ԿԴ-1/1271/02/17 վճռով՝ Կոտայքի մարզի Հատիսի փողոցի թիվ 1/37 խանութ հասցեի նկատմամբ  
ճանաչվել է Կարեն Մխոյանի սեփականության իրավունքը:

Կարեն Մխոյանը գտնում է, որ Ալեքսանդր Կարակելյանը սույն գործով միտումնավոր դրսևորել  
է անգործություն, օրենքով սահմանված ժամկետում չի կատարել պարտապահի գույքի  
գույքագրում, այն պարագայում, երբ պարտապահի անվամբ բավարար գույք է գրանցված և  
նշված գույքի իրացմամբ կարող էր կատարվել պարտատեր Վահագն Մուրադյանի հանդեպ  
ունեցած պարտավորությունը, իր ամբողջ ուշադրությունը սևեռել է միայն Կարեն Մխոյանին  
պատկանող Կոտայքի մարզի Հատիսի փողոցի թիվ 1/37 խանութի վրա:

ԿԴ-1/1271/02/17 վճռի դեմ Ալեքսանդր Կարակելյանը վերաքննիչ բողոք է ներկայացրել որպես  
Արմեն Անանյանի և Անահիտ Անանյանի սնանկության գործով կառավարիչ, այն դեպքում երբ  
վերաքննիչ դատարանը Անահիտ Անանյանի մասով վճիռը բեկանել էր և մերժել էր Անահիտ  
Անանյանին սնանկ ճանաչելու դիմումը: Վերաքննիչ դատարանի գործի քննության ընթացքում  
Անահիտ Անանյանին սնանկ ճանաչելու մերժելու մասին որոշումը մտել է օրինական ուժի մեջ,  
սակայն քաղաքացի Արմեն Անանյանի սնանկության գործով կառավարիչ՝ Ալեքսանդր  
Կարակելյանը որևէ կերպ չի հայտնել դատարանին այդ մասին:

Հանձնաժողովի նախագահ՝ Տ.Հարությունյանը, առաջարկեց լսել ներկա գտնվող՝ քաղաքացի  
Արմեն Անանյանի սնանկության գործով կառավարիչ՝ Ալեքսանդր Կարակելյանի բացատրու  
թյունները և ուսումնասիրել նրա ներկայացրած փաստարկները:

**ԵԶՐԱԿԱՑՈՒԹՅՈՒՆ**

1. Կարեն Մխչյանի ներկայացուցիչ Դիաննա Անտոնյանից, «ՄԳԿԿ» ԻԿԿ-ում՝ 18.07.2018թ-ին ստացված դիմումը քաղաքացի Արմեն Անանյանի սնանկության գործով կառավարիչ՝ Ալեքսանդր Կարակետյանի գործողությունների օրենքին և կանոնակարգերին համապատասխանության նկատմամբ հարուցված կարգապահական վարույթը կարող է կարճվել, քանի որ կառավարչի գործողությունները չեն պարունակում օրենքի կամ վարքագծի կանոնների խախտումներ և կատարվել են «Սնանկության մասին» ՀՀ օրենքի 56-րդ հոդվածի կարգով և բխել են նույն օրենքի 56-րդ հոդվածի 1-ին մասի և 47-րդ հոդվածի 1-ին մասի պահանջների կատարման ապահովման անհրաժեշտությունից և հիմնավորված են 29-րդ հոդվածի 1-ին մասի /ե/ կետով իրեն վերապահված լիազորություններով ու կարգապահական վարույթի ընթացքում նրա մեղքը ապացուցող փաստերի /ապացույցների/ բացակայության պատճառաբանությամբ:
2. Սույն Եզրակացությունը սահմանված ժամկետում ներկայացնել Դիտորդ Խորհրդին՝ հետագա որոշում կայացնելու նկատառումով:
3. Սույն եզրակացությունը հրապարակել Կազմակերպության ինտերնետային կայում եռօրյա ժամկետում:

Հանձնաժողովի Նախագահ՝ Տ. Հարությունյան

Հանձնաժողովի անդամ՝ Ռ. Խալաթյան

Հանձնաժողովի անդամ՝ Մ. Մարտիկյան

Հանձնաժողովի անդամ՝ Հ. Գևորգյան

